

# Tok tuggeda

Plei tuggeda an searem olketa evride momen hemi barava gud taem fo olketa pikinini engej fo lanem langus. Yu no nid fo garem spesol taem for tisim olketa.

Lukluk an lisin lo olketa pikinini an tok wetem olketa abaotem wanem olketa intres lo hem.

Taem pikinini herem staka wods, hemi save lo staka samting moabeta taem hemi lanem langus.



*Stori olowe wetem mi hemi strongem toktok, langus an sosol lening blo mi an hemi bae bildim strongfala sapot fo lanem hao fo rid.*



Lu save faendem ful evidence brief lo hia:

<https://tewhariki.tki.org.nz>



## Talking Together

### Te Kōrerorero

Tok tuggeda



Solomon Islands Pijin

# Tok tageda

## Tok lo lokol langus

**Olketa smol pikinini save tumas hao fo lanem langus an olketa save lanem staka langus wantaem**

Lokol langus blo yu hemi impoten an hemi barava moabeta sapot bes fo olketa pikinini save tekem an yusim go lo olketa niu langus

Fo lanem langus hemi tekem taem. Hemi nomol fo nolej an andastanding blo langus blo olketa pikinini fo gogo fastaem winim wanem olketa save talem o ekspresim.

Olketa pikinini save putum tageda olketa diferan pat blo langus olketa save spikim. Diswan hemi nomol pat lo langus lening proses blo olketa

Afta samfala taem, olketa pikinini lanem olketa deferen fitsa lo its langus an olketa save sens bituin deferen langus dipen lo hu nao olketa toktok wetem.



## Tok stori

**Tok stori wea respon lo olketa bebi, smol pikinini an yang pikinini hemi impoten fo bren developmen blo olketa.**

Olketa pikinini save yusim olketa niu aksin, saon, wod an olketa sentens an lanem hao fo tek ten insaet lo olketa konvasesin.

Yu save help fo mekem konvasesin gohet gudfala, taem yu lukluk an komen lo wanem olketa pikinini duim or notisim.

Afta taim blo yu fo tok tok, livim olketa pikinini fo ansa seleva lo on we blo olketa, wetem olketa saon, wod o bodi langus.

## Saon an wod plei

**Plei wetem saons an wods hem helpem olketa pikinini fo rekonaesem an manipuletim saons blo langus lo tok tok (wea oketa kolek lo fonolojikol aweanes), wea hem nao ki stepping ston lo hao fo rid an raet.**

Ufala save garem fan tageda lo plei wetem raems an ridims tru lo waiata, storis, poems, nesari raems, an olketa songs, raems an joks wea ufala save mekem ap.

## Riding an talem storis

**Evri buk an stori sapotem olketa pikinini fo enjoem an ekspresim varaeti blo olketa wod, toktok an stori.**

Talem olketa stori abaotem fiutsa an taim bifo hemi help fo developem imaginesin, tingting an andastanding blo olketa pikinini abaotem wold raonem olketa.

Hemi gud fo letem olketa pikinini enjoem buks lo on we blo olketa mekem olketa save dat intres an aedia blo olketa hemi impoten.

Samtaems olketa pikinini bae intres lo wanfala pej, lukluk lo piksa nomoa o bae laek ridim sem buk staka taem. Hemi oraet tu sapos yu no finis ridim buk ia evritaem.

## Diskriptiv Langus

**Toktok tageda abaotem evride tings hemi helpem olketa pikinini fo andastandem wol, lanem olketa niu wod an hao fo yusim olketa wod ia. Yu save duim staka samting fo helpem pikinini blo yu.**

- » Tok abaotem an diskraebem wanem hemi hapen raonem yu lo taem ia, spesili tings wea olketa pikinini notisim
- » Diskraebem wanem yu duim taim yu duim, yu save diskraebem an talem aot olketa step yu tekem taem yu kuki.
- » Yusim olketa stret wod an nem an yusim olketa simila wod fo semsem tings (synonyms). Eksampol, “*Mi siftim flaoa tru lo siv. Mi sekem lo lef an lo raet.*”